

A T Ω.

Ad Exercitium Oratorium.

De

PROBATA IN BEL- LIS, MARCHIA CORUM VIRTUTE NOBILISSIMA instituendum.

Ex Capite Methodi Rhetoricae, de Laude Rerum
ab

ANDREA LIBERTO MÜLLERO,

Berlinensi Marchico

audiendum vero

In Acroaterio Majori Gymnasii Berlinensis

Ad diem XXII. Januarii, Anni Illustrissimi, qui No-
vus Christiano FELICITER illucescat orbi, CLEIJC LVII.
Horâ Nonâ antemerid.

DNOS. PATRONOS FAUTORES ATQVE AMICOS
hujus vicinæque Urbis

Humanissimè & eà quâ par est reverentia
invitat

M. JOHANNES HEINZELMAN
Gymnas. Berl. Rector.

BEROLINI typis RUNGIANIS.

Hist. Brandenb.

171,15

Hist. Brand. 171,15

Exèrcitus est similis corpori Humano, ubi
cum manibus conferuntur pedites, cum pedibus
equites, acies ipsa cum pectore & thorace , cum
Capite vero ipse Dux. *Plutarch. in Apophthein*
& in vit. Pelopidae.

In milite unius fors est, in Imperatore uni-
versorum periculum. *Egesippus l. s. c. 20.*

LECTORI BENEVOLO
*Saluberrimas Anni vices officiosè precor,
Et iniquiores deprecor.*

Nter armorum strepitus, in manus traditorum nobis, honestis auspiciis & æquitate comite, culturæ Ingeniorum, non agrorum tantummodo, superat locus adhuc aliquis. DEUS fuit, qui fecit propitius ista & clementissimè indulxit ocia nobis, miseratus cōditionem indignissimam, in quam nulla nostra vel levissima culpa nos, sed atrocitas metuum, incumbentium tergo & Iacescentium undiquaque, invitò profectò afferuit. A nullo deserti prius, deseruimus neminem, nec tranquillis sedibus excivimus hostem, nostris sedibus relicti modò, neque Iaceſſivimus quenquam, non Iaceſſiti antea: quin rerum potitis jamante, quando idem agere principes quorum maximè intererat, omnes aut palā, aut fugiēdo videremus, egimus id etiā, ut prudener legitimè que à Fortunà ostendo Potentiori, arma deniq; nostra cum dextris & fide, si consuli publicæ posset paci, pacis studio jungerētur. Angustias enim supremas expectare, & ubi ante portas Hannibal, cunctari turpiter velle, non insidiosissima modò, sed pestifera & noxia res est. Neque etiam media & tutior via, geminas eventu vindice librare vires, sed nulla propemodum est. Nusquam inveniunt gratiam, qui duas sunt inter partes penduli, & in nullos quam in seipso atrocius quicquam statuerunt. Aliud Marchiaca, vivacissima illa & nulli ignavæ dedita operæ, Industria & virtus, sibi comparandum agendumque censuit meritò; dum veteranas copias victoriis assuetas Germanis & diuturno bellorum usu duratas Imperatorum totidem militumque manus furori effreni cuicunque hostium opposuit. Non succurrere ditionibus suis maturè, & à cervicibus depellere vim il-

lata m

flatam, clivosa vereri atque ardua, & puteum tum demum fodere
ubi sitis fauces tenet, ubi inundati sanguine civium campi, ubi
excidio urbes & ruinis datæ sunt, ipsisque templis haud tempe-
ratum fuerat; tantum abest ut providum piumque dici mere-
atur, ut potius in jura divina humanaque injurium, & prox-
imum sacrilegio crimen sit. Imago dirissimorum statûs sui tem-
porum, quando obversatur Procuratori Regionum fideli, con-
tra audientius eundum, & ipso facto maturatoque opus sane.
Quæ quidem res, nisi magnis laboribus, periculis, impensis, vi-
giliis atque sudoribus, constare haud potest. Qualia cum ex-
antlarit PATRIÆ PATER, communisque Servator suorum his in
terris subditorum, ad Warsawiam Massoviorum haud ita pridem,
non potuimus delibuti gaudio, quin Laureas istas triumphosq;
& victoria arma celebrare tum, pro nostris opibus, publicè an-
niteremur. Ex quâ re ingeniosus ductilisq; & formarum omni-
um capax Juvenis ANDREAS LIBERTUS MÜLLERUS Berlinas ex Mar-
chiacis, exemplum decerpit sibi non pœnitendum. Deque
FORTI MILITE MARCHICO Exercitii gratiâ orationem compositam
ex memoriâ recitare in animum induxit. Et licet aliena à studiis
nostris & majora viribus affectare, suaque præcipitare temere
vota, & maximam totidemque palmarum rem transvolare, & le-
viter attingere tantumque non irreligiosè videatur pluribus con-
trectare; Amor tamen in Patriam universam, eosque quibus a-
nimis Generosa Indoles Propria Marchiacis domesticaque in-
spiravit, ut victoriam sanguine partam turpi & indecoræ semper
præposuerint fugæ, mollitiei & formidini; veniam ætatis con-
cesserit facilè, ac ad conatum hunc, exercitii, inquam, loco lau-
dabiliter suscepit, toto licet audiente exercitu, suppeditarit.
Vos, Patrocinum, Patroni & Amici omnium Honoratissimi or-
dinum. non legendo duntaxatista, sed præstitutam ad horam
benignè auscultando, Juventuti ejusdem & omni nostræ
studioræ, haud gravatim adjungite.

OMNIA. AD. NOMINIS. JESU. GLORIAM.